

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [Jericho wird erobert und zerstört]

urn:nbn:de:bsz:31-62174

erobert / vnd mit
feywer verbrant.

bliesen Posaunen / Vnd wer gerüst war / gieng für ihnen her / Vnd der hauffe folget C
der Leden des HERRN / vñ bließ Posaunen. Des andern tages giengen sie auch ein
mal vmb die Statt / vnd kamen wider ins Lager / Also theten sie sechs tage.

Am siebenden tage aber / da die Morgenröte auffgieng / machte sie sich frü auff
vnd giengen nach derselben weise / sieben mal vmb die statt / das sie desselben eini
gen tages sieben mal vmb die Statt kamen. Vnd am siebenden mal / da die Priester



die Posaunen bliesen / sprach Josua zum Volck / Macht ein Feldgeschrey / Denn der
HERR hat euch die Statt gegeben. Aber diese statt / vnd alles was darinnen ist /
sol dem HERRN verbannet sein / Alleine die hüre Rahab sol läben bleiben / vnd alle
die mit ihr im haufe sind / Denn sie hat die Botten verborgen / die wir außsandten.
Allein hütet euch für dem Verbanten / das ihr euch nicht verbannet / so ihr des ver- ^{Josu. 2.}
banten etwas nemet / vnd macht das Lager Israel verbannet / vñnd bringts in vn-
glück. Aber alles Silber vñnd Gold / sampt dem ehernen vñnd eisern Gerete / soll dem ^{Josu. 7.}
HERRN geheiliget sein / das zu des HERRN schatz komme.

Da macht das volck ein Feldgeschrey / vnd bliesen Posaunen / Den als das volck
den hall der Posaunen höret / macht es ein groß Feldgeschrey / vnd die mauren fielen
vmb / vnd das volck ersteig die Statt / ein jeglicher stracks für sich. Also gewonnen sie
die Statt / vñ verbanten alles was in der Statt war / mit der scherpfte des schwerts /
beide Man vnd Weib / jung vnd alt / oxsen / schaafe vnd esel.

Aber Josua sprach zu den zween Männern / die das Land verkundschaft hattē /
Gehet in das hauf der Hüren / vnd füret das weib von dannen heraus / mit al-
lem das sie hat / wie ihr geschwore habt. Da giengen die jüngle die Kundschafter
hinein / vñ füreten Rahab heraus / sampt irem Vatter vnd Mutter / vnd brüder / al- ^{Rahab.}
les was sie hatte / vñ alle jr geschlecht / vñ lieffen sie hauffen außser dem Lager Israel. ^{Josu. 2.}

Aber die Statt verbranten sie mit feywer / vnd alles was drinnen war / Alleine das
silber vnd gold / vnd ehern vnd eisern Gerete thäten sie zum Schatz in das hauf des
HERRN. Rahab aber die hüre / sampt dem haufe ihres Vatters / vnd alles was sie
hatte / ließ Josua läben / Vnd sie wohnet in Israel / bis auff disen tag / Darumb dz sie
die Botten verborgen hatte / die Josua zuerkundschaften gesand hatte gen Jericho.

Rahab woh-
net in Israel.

Zu der